

皇清文穎續編

皇清文頴續編卷一百一

詩

七言絕句

聖駕三巡江浙詩

謹序

劉統勲

臣聞古王者勤求治理鴻圖乂安未有不以清
問下民爲首務載籍所紀巡幸之文近郊則一
歲再出方岳則五載一朝未嘗以一再經臨遂
不復省視蓋懷保旣殷則所以拊循而噢咻之

自弗能已有不憚數數至也歲壬午春

皇上恭奉

皇太后鑾輿巡幸江浙維時

法駕之南蒞凡三至矣自辛未丁丑

兩巡以來諸所謂飭官方訓民俗飫之以休和敦之

以淳樸已莫不翕然丕變蒸蒸日新他如濬河

防修水利醴積潦爲沃壤靖橫流爲安瀾又皆

六飛經歷時

睿畫指授所詒休慶事立而效著若此固足徵
省方之澤旣深可無煩更厯

南顧矣而我

皇上不以爲此

兩巡之布德行令遂足貽樂利於無窮也會西陲旣

戡武功

聖母復介壽慶爰先期降

旨將以辛巳春乘愷樂之嘉會慰望幸之輿情恩益

以漚惠此南國適維揚所屬偶被水慮有司以
供張妨賑卽乃暫緩

啟行迨今春始諏吉南發所至蠲租賜粟引年籲
俊簪紱榮於搢紳鏐續逮於卒伍貧乏者貸農
本荒歉者展賑期甚至皖豫諸省非馳道所經
瞻災救困亦推暨罔間而且吏治有闕茸則黜
之以示懲民風有健險則繩之以昭戒又以杭
之海塘淮徐之河隄所繫尤鉅皆

躬往相度熟籌要害發帑鳩工策出萬全爲先事豫
防之計然後迴

清蹕謁

孔林以返乎京師而

聖母之旋則卽龍艦代鳳輿用康

起居而息勞頓又令商民舟楫弗用阻避無在不寓

便民至意焉然則是行也凡以爲南民計安全
慮久遠前此之所垂休者益積累之今此之所

布澤者愈亭育之豈非

勤民之盛意有加無已故不憚再三蒞止也哉

臣侍

直樞要叨扈

屬車於

皇上所以愛民之實心實政覩記較切用不揣蕪陋
謹就晨夕所見

聖慈之周浹及民情之愛戴敘爲絕句詩三十章以

誌

盛事若夫江山花月人物都會雖足奉

慈歡而供

睿賞要非

豫遊本旨所重故不多贅焉其詞曰

鈞陳曉肅日曈曨羽衛琴麗發

紫宮要識

至尊清問切

鑾輿三幸大江東

皇清文頴續編

卷三

詩

四

纔是

彤闈慶喜重歡聲還接去年冬卻分仁壽

天家日來作江春分外濃

要使南民樂阜隴不辭頻駕泣江邦

翠華未發先規畫預定

恩綸幾十椿

啟行剛是首春時花未紅鞦柳未絲卻喜麥畦新剡
早爲經臘雪十分滋

本傳辛歲發駝駢何事經年緩

六飛去爲省耕停爲賑

天心動處總民依

璧月澄暉朗碧虛繡圻元夕

帝京如燕南趙北春歸早燈綵千家候

翠輿

童叟歡迎徧輦途阿誰解事語交衢雙龍纛後回人
隊者是從前兩番無

豈徒江國惠羣黎隨地頒

恩晷不稽庫許綬征倉展賑陽春腳已徧燕齊

徐充曾經漲水涯茲來比屋蓋藏皆競傳昔歲

霓旌過百萬官錢爲決排

陸營留駐水營開竹箭春流曉渡催爲恐妨民頻減

從從臣只半渡河來

江表趨迎集搢紳首塗祇候

屬車塵班心突兀頭如雪更有耆英畫裏人

烟景初舒大塊文韶華二月始續紛由來閨歲春遲
到恰勒梅花待

聖君

尺一頻頒

帳殿恩膺黃

詔紙徧江村藻芹宮集彈冠慶鸞鶴營增挾纘溫

高竇頻經水渺漫特教撫卹萬民歡馬前婦孺千行

拜連歲

天園爲給餐

魚龍曼衍戲平山爲宴番人入觀還卻恐前途援例

備亟傳

敕旨與全刪

江天花月故無邊粉飾翻嫌失自然本色丹青

宸賞在舫齋排日出

吟箋

風物餘杭景故饒更搜龍井渲春韶豈知

聖主臨於越要看塘工障海潮

迎

鑾寧厭太喧吹遮道吳儂擁旆旃

天語不教呵避路時時勒馬立青郊

黎老喧誇惠更叨引年盛典喜頻遭

皇恩浩蕩當胸字又製

天家賜絹袍

獻賦諸生又一科不徵逸典試研磨回人繩伎和闌

玉冠冕詩題近事多

誰言吳俗尚繁華曾聽前番

詔戒奢戲鼓燈船俱不設只排香案迂

雲車

幾處鐘魚演道場祝釐花雨梵筵香爲酬

現在如來佛甘露慈雲錫福長

南多苦雨北多晴今歲吳天霽景清郵報到來還送

喜京師得雨賚江程

預排水驛爲

慈寧便泛樓船到路亭却比

大安與更穩

起居只似在宮廷

毋煩牘吏禁舟行

特敕河干放權仍隊隊舳艫銜尾過運河皆映萬竿
燈

迴鑾何處重遲留高堰徐隄歷覽周河務東南門第

一忍辭頻策萬全籌

何煩蹙馬浩波沈歷歷成勞

睿算深清口壩開鑿沃勇徐城隄策束流駿

翠旂迤邐出江南依戀偏餘士女愁額手雲天深祝

願

仁皇六度此方三

歸鞭排日記郵籤首夏清和氣未炎誰道北來無勝

賞雙歧麥剡埭車幘

乘時行令拂征繆

愷澤涵濡比戶咸始識

豫遊皆實政

聖躬勞慮萬民誠

聖駕三巡江浙詩

陸樹本

東南原隰荷

神功氣轉鴻鈞兆歲豐三庶
冬瞻雲民願慰紀年恰與

舜巡同

鳳緯新頌

巽命重閭闔喜氣一時濃
經年待澤如膏雨此日真
看駕

六龍

乘乾法

祖莅南邦徧野歡聲望綵幢
纂洽重熙開壽宇

恩流河濟到淮江

爲軫鴻飛

問俗遲勤求民隱更孜孜恫瘝在抱期無逸稼穡艱
難

聖主知

呼嵩聲裏度

鸞旂禹甸同瞻愛日輝海屋願添籌萬億

天顏常喜奉

慈徽

馭轉青陽淑景舒瑤池瑞靄布坤輿逶迤御道程

暖

玉輅親扶侍

起居

漫傳刻玉頌披圖寰宇清寧應瑞符湛露流膏三極
被祥煙夾道百靈趨

萬騎駉驪過魯齊迎

鑾處處擁蒸黎波臣更報安瀾慶如帶黃流一望低

綺陌芳郊暢

睿懷鶯飛草長景方佳
盈寧有慶民同樂
一路陽春
已度淮

望裏林巒湧翠來
蜀岡煙靄護樓臺
平山堂迥

飛鈴駐樹樹花明
向日開

金焦兩點聳嶙峋
鎖鑰嚴疆控海濱
北府兵強常綏
帶生逢

聖代靜風塵

平江春水碧於雲
仙樂沿流遠近聞
綵鷁真同天上

坐五絃

親撫奏南薰

三吳鼎峙建屏藩
蠲復頻施軫賦繁
供億不煩民一

粟銜

恩祇獻野人暄

吳根越角路紆盤
耕鑿無驚市井安
兩岸柔桑青欲

放玉灣春暖度

和鑾

岩峩

宮闕啟吳山象緯森羅護九關百萬民瞻霄漢上紅
雲高捧識

龍顏

隄柳春含淑氣妍湖光縹緲近瀛壖蓬壺咫尺
宸居接鸞鶴聲來小有天

園林攬勝隔塵囂

芝蓋凌風度六橋路轉山莊飛瀑掛丹崖百尺展生

綃

龍井松篁翠色交風和

帳殿駐鞭鞘雨前試瀹冰芽茗一勺泉甘勝虎跑

海門橫鎖廣陵濤

廟畧親傳奠六鼇東望滄溟波不起扶桑彩擁日輪高

建業繁華豔綺羅秦淮水榭管絃和龍蟠虎踞同朝拱勝地頻邀

翠輦過

機如新燕掠江斜香滿高臺正雨花一片嵐光迎
綵仗縈迴磴道上棲霞

龍媒紆鞚徧江鄉巷舞衢歌樂未央不爲登臨勞

法駕

綸音申畫重封疆

光調玉燭泰階平百吏承流德化成大法小廉同

訓敕

皇心下照日光明

鈞陳肅拱

帝車星校練還成壁壘形武備益修文治洽兩階干
羽萬邦寧

中天

景運頌升恒合璧新從瑞牒徵多少耆年迎路拜華
胥化國慶同登

掄才屢見步瀛洲東箭南金取次收阿閣朝陽鳴鸛

鳳四門齊闕更

旁求

化行鰈水與鷦林重譯梯航各獻琛六合一家暨教
暨

省方同望

屬車臨

汪濊

仁波薄海涵

慈雲布濩大江南時和繪出幽風句農盡耰鋤女盡蠶

太平景物正熙恬

行殿摘毫

睿藻添雲漢昭回珠顆顆榮光燭地萬人瞻

玉堂舊籍忝冰銜重對

清光頓隔凡作頌才疎惟擊壤敢調六琯和英咸

聖駕三巡江浙迎

鑾祝詞 謹序

錢維城

臣聞堯衢擊壤響叶謦咸周典陳詩歌諧風雅
蓋五言出納密通鐘律之音四岳周巡胥入輶
軒之采聽頌聲之有作知協氣之無垠欽惟我
皇上玉券承天金甌括地丹樞運斗十二宮環指諸
躔黃道流珠廿八舍周行列宿柔百神於時邁
六御天臨暢萬品於由庚

四巡歲舉維茲吳越州絡繹延介在江湖川涂淼漫

黃河南注微茫神禹之功紫澥東浮決滌靈胥
之氣六鰲屢覲候子午而占潮九象睢盱待庚
辰而息浪秋風鴻鴈菰米雖肥春水魚龍桃花
猶漲前以重光之歲

玉輅遙臨復於疆圉之春

金支再駐

皇心無逸每軫顧而疇咨

聖澤彌加用殷勤而相度幽風吹籥重看七月之圖

舜典陳書更舉五年之制且夫九如進頌

金母延齡七始提綱

璇宮衍慶沃堯樽之膏潤共祝

陳豐聽軒樂之鏗鏘同瞻

附寶琛來鴈磧白山與赤坂皆通路匝鼇輿碧解共

青邱咸賀維茲南邦之士女尤沐

鴻慈未隨

北闕之衣冠躬稱

曼壽山川綿邈時遙企夫

黃雲謳詠駢闐幸上通於

丹宸爰紆

玉仗下從望

幸之心

親奉

金根上抒承

歡之意神人胥洽十年幸此三逢仁孝同源一舉于

焉兩備

啟駕以孟春之首風過櫻桃

回鑾以重午之前香浮菖葉

恩膏沾漑順東陸以滋榮和氣氤氲宣南薰以長養
河海江淮之地歌詠相聞魯齊燕趙之疆謳謠

互答

臣身依

魏闕家本吳鄉喜桑梓之蒙

恩望楓槐而拜

賜遙想花塍柳港

親省春耕定知菱唱蓮謳齊傳夏諺敬仿五方之致
語撰爲四省之祝詞巷舞衢歌聊代寫閭閻之
歡忭管窺蠡測愧莫名

天地之高深

京畿父老迎

鑾祝詞

伏以中天就日冀北居先列國陳風周南爲首蓋一

遊一豫

九重之敷錫偏多故是訓是行萬姓之歡呼最近欽
惟我

皇上帝紘高絜

皇極勤敷化浹方儀健符圓象每歲車迴北斗頻過
郊原今茲

旌拂南雲復經甸服盧龍舊域雪晴石黛之峯涿鹿
新春烟染麴塵之縷輕冰漸泮綠添諸淀流澌宿麥

微抽翠剪九河故道一聲青鳥荷短笠而催耕幾隊
烏犍踏長犁而送

輦龍驤萬騎從無供頓之勞

鳳詔十行更荷蠲除之惠減田家之租賦花陌春融
裕戰士之儲胥柳營日暖軍中鼓吹歡生畫角金饒
隴上歌吟喜遍烟蓑雨笠臣等向陽花木先得滋萌
適性禽魚自然翔泳伏願鯨福日懋與北海以同深
弗祿天長並西山而永固陽元駘蕩常依

愛日於三冬甘露沾濡共蔭

慈雲於萬載欣逢

茂典敬抒歡心

家近城南巨馬河由來雨露此間多

金輿不問遊何處總在垂楊渡口過

暖風一夜自東來新雁纔飛柳暗催江北江南春欲
到年光先上古燕臺

一片平蕪掠軟颼年年望

幸早春時兒童生小迎

鑾慣收笛都吹

萬壽詞

料峭輕寒杏欲花十三橋上

五雲車南中纔是三回

幸此地尋常拜

翠華

山東父老迎

鑾祝詞

伏以五岳崇班明堂首建六經餘澤

闕里長留蓋律度量衡爲問俗觀風之始而詩書禮
樂卽敷言錫福之原欽惟我

皇上樂御周行道光下照躋九圍於壽域育六幕於
仁天

珠旂三賁乎南中日嚶牛女

翠蓋五臨乎東國星入奎叟去由青兗而徐揚蒼龍

載駕歸自江淮而海岱朱鳥方中蠶月晴多桑土之
綠雲初染鶯聲暖碎杏壇之紅雨猶霏泗水尼山聆
八音於孔壁天門日觀辨九點於齊州試聽絃歌咸
承

聖化周看原隰尤厪

皇情波偃銀塘已踏雙犁於社鼓炊分玉粒猶沾三
輔於官倉欣看麥壘雲連芒神爭賽更喜花村夜靜
租吏停呼

臣

等地接郊圻如葵向日情深頌祝以鳥

鳴春伏願海屋仙籌祝

璇闈而介壽岱宗瑞牒探金莢以延年曉日三山共
獻如升之頌芳春二月常修肆覲之儀敢播風謠良
深抃舞

澹澹明湖映

翠旗

六龍到處有春隨沿途如采昇平樂半是齊風半魯

詩

二月東游始自辰南臨迴數歲從辛家居自喜
長安近多得

鑾輿兩度巡

一路清陰轉栗留春耕

親省海西頭

聖朝不問泥金事爲慰東人望

秣旂

澹沱春光染翠屏華山青對鵲山青烟巒曾入吳興

畫乞得

龍車爲少停

江南父老迎

鑾祝詞

伏以江分南北天塹迢遙道列東西地形盤互經百
年之培養久沐

恩膏謀萬載之安全尤承

聖渥欽惟我

皇上蘿圖御宇松棟凝神書陳無逸之圖爰叶大觀之象

省方設教當年

芝蓋頻臨察吏勤民此日蘭舟又渡

金根虔奉驂威鳳而扶輪玉版

親披召應龍而導水蠙珠月淨瀾桐柏之清源蛟窟雲消澄崑崙之濁浪四朝舜牧殷勤五瑞之班三尺堯階珍重百金之產闢門籲俊別栽桂子秋香宥罪

寬征普散杏花春雨高年賜帛

恩沾黃髮之民髦士橫經

化洽青衿之詠六代江山之舊

天一笑而皆春五湖烟水之區人三呼而獻

壽_臣等幸逢

聖世刻玉游河久沐淳風擊轅中律伏願萬年紅樹
長開

王母蟠桃一色青旂時映蘇臺楊柳

恩波浩蕩徧霑於陽鳥之居

化日曛曛普照於牽牛之野爰歌白苧敬迓

黃輿

兩岸鶯花引畫橈淮南二月賣餠簫漁邨蟹舍都絃
管不但朱樓廿四橋

楊子江頭打槳迎薔薇風裏擢歌聲五年纔得

君王到乞駐

龍舟綬綬行

金碧樓臺錦繡天三吳佳麗古來傳

皇心不遣勞供頓只酌清泠第二泉

駸駸羽騎送勾陳鶯脰湖連越水濱還有

御香留

輦道歸途散作秣陵春

浙江父老迎

鑾祝詞

伏以湖山花柳古號名都江海風濤夙稱重地六橋

春水遨遊共樂夫

堯天八月秋濤捍禦實資乎

禹力欽惟我

皇上化周坤絡道協乾樞耀紫極於中天受碧珪於
巨渤

翠旄容裔夾鳳轂而雙扶

玉軼尊嚴賁虎林而三駐浮天瀕洞循觀胥母之場
排岸砮矟細辨婆留之迹滄瀛東注黃龍之艦平浮

龍精西臨白鷺之濤不起底定乎鯨波蜃氣茂著

鴻猷遐觀乎鸞嶺龍宮兼昭

慶典赦除舊管真同病樹重春蠲貸宿逋誰唱新絲
早賣岸臨大海全收網內珊瑚水暖晴波添種湖中
芹藻魚鹽減稅歌聞估客之船囊橐增儲喜動戍丁
之籍隄邊桃柳皆藹藹以熙陽池畔禽魚亦欣欣而
泳化臣等材非東箭幸荷滋培巢近南枝偏逢煦育
伏願

重華輯瑞迎羽衛以千回

長樂延禧閱璇璣以萬轉花明三三

慈暉與慧日同懸雲護雙峯

聖壽共仁山並久敬陳越曲遙和吳歛

苕雪清流鏡面開

雲帆遙望幾徘徊靈風一霎檣烏轉知是江神扈
駕來

一湖新水綠瓜瓢無數山光映水光萬里蕃臣驚欲

拜蓮花世界勝西方

冉冉香風細細吹
閨年誰道得春遲
孤山籬落梅千樹
今歲先開向北枝

江岸霏霏萬點紅

回鑾時節棟花風
踏歌徧唱朝元引
更望

霓旌入越中

聖駕三巡江浙詩

謹序

錢汝誠

天開圖畫丹崖翠
渚之鄉地擅阜豐紅
稻碧鱸

之境荷

鑾輿之循省迎綺序之芳韶

天子祇奉

安輪夙陳

法駕黃灣瓜步人咸企足以瞻雲虎阜獅林戶並傾
心而向日秀水明湖之靚麗煙柳千絲兩峯三
竺之清幽香林萬品時則溟恬波靜景艷霞明
鳳綳遵流

龍蹠整轡遙簪黛低鏡影以峯迴淺瀕鋪莎界沙
痕而路軟帶水村與山郭曖曖人家眺麥隴與
桑塍昀昀原隰用是停

御蹕廣

清諏垂溢量之

宏慈沛逾涯之

湛澤

恩波沃蕩徧江襟湖帶之區淑氣沖融當巖秀壑竒

之地扶鳩父老載道謳吟驂篠兒童先驅忭躍
且夫擊轅中雅衢壤播其娛音鳴鐸含宮樂府
宣其妙理風雲著應則長謠短拍之皆宜軒轡
舒和亦村舞里歌之悉叶況茲吳越之國實惟
絃誦之鄉居人則雅愛歌謠學士則兼工趨豔
梅根楊葉行行銅斗之聲菱帶荷花采采銀塘
之曲泝鷗波而擊節唱徹竹枝橫牛笛以成腔
調傳鹽角幸

翠華之式莅捧

丹詔而臚歡或輯雅韻於輶軒或續新篇于瑤管五
雲光裏連袂歌長

萬歲聲中叩舷韻續譬諸候蟲時鳥感鴻化而飛鳴
秣馬游魚觸元音而騰躍豈直敷美利於瑞麥
嘉禾摛休徵於應龍神鳳鋪張隆盛揚訖聲詩
者哉臣扈從

蘭橈經行梓里過平江而聽欵乃聞鄉語而辨唱于

仰

帝製之鏗鉤撞金戛玉喜興情之頌祝刻羽流商詞
有媿於賡颺義竊衷於採聽敬依越調敢效吳
儷其詞曰

璇霄醲澤沛江鄉慶奉

安輿樂壽康

天子萬年天下

養西池佳氣藹

慈航

黃紙書

頒墨未乾連翩

優詔下雲端吳通越賦都

蠲賜競說

恩逾江水寬

垞北溪南笑語歡循良守土荷恬安

清時賢吏應爭奮

聖主親來課長官

男携女挈喜相偕
白髮來瞻傍水涯
早聽臚歡擎束帛
更看合掌拜銀牌

河邊兩岸柳堪攀
柳下焚香跪接班
前度兒郎皆長大
慣聽

天語識

天顏

重重

仁惠共春頌怪底山名喚惠山山下惠泉宜釀酒
至尊偏愛竹鑪閑

何處山容洗雪初淺深煙萼可全舒輕寒尚凝銅坑
樹小勒梅花候

玉輿

海外蒲昌扈隸臣于思江國見聞新便呼僊子尋樵
索獻伎來歸有眩人

康衢人簇似春蠶連襪爭呼

萬歲三

詔下羽林寬警蹕每因遮道爲

停驂

經蹕靈巖又上方

行宮恰對太湖光阿儂要說

皇恩廣三萬六千頃未長

石湖煙水接菱津染綠濡紅作好春倚楫長年爭唱

舞太平船坐太平人

調搶蓬高出太湖鱸香入饌飯菰蒲黃披圓橙多烘
寫別有昇平漁樂圖

魚苗蝦菜滿沙汀尺半銀鱗帶綠萍待曉漁人齊進
御天厨珍鱠奉

慈寧

畫眉橋下疊輕波吳望平添野市歌真箇今年風物
勝水多黃蜺岸青禾

竹筴抽筍荻芽長荳莢麤肥油菜黃飽飯耕氓工擊

壤此邦豐樂本名鄉

過江旬日愛晴曛尤喜如膏一夜聞
試揭春花新樣
子千金圩上麥鋪雲

習習和風戴勝鳴浴蠶天氣趁微晴
半床出火眠於
箔今歲絲綿十二成

尖塔山前石壩築老鹽倉外柴塘高
紆途相度
示機要永鎮碑碣垂蓬鰲

香雲法雨花宮靜明聖湖頭契聖因
無量福田憑祝

報

慈輿長奉萬千春

忠賢祠廟卓千秋

詔祀欣開典禮修還許寒泉薦秋菊要從高士式風流

輝山藻水品題頻奕奕

奎文世共珍重向研池揮墨瀋一番

天詠一番新

小臣
簪筆從

華旌生長三吳熟
諺聲採得塗謠還
譜曲春風
行館達民誠